

VENDIM
Nr.1106, datë 30.7.2008

**PËR MIRATIMIN E STRUKTURËS SË PAGËS SË PUNONJËSVE TË AGJENCISË SË
ADMINISTRIMIT TË PASURIVE TË SEKUESTRUARA DHE TË KONFISKUARA**

Në mbështetje të nenit 100 të Kushtetutës dhe të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, me propozimin e Ministrit të Financave dhe të Ministrit të Brendshëm, Këshilli i Ministrave

VENDOSI:

1. Struktura dhe nivelet e pagave të punonjësve të Agjencisë së Administrimit të Pasurive të Sekuestruara dhe të Konfiskuara paraqiten, si më poshtë vijon:

a) Paga mujore për pozicionin “Titullar i institucionit (Kryeadministrator)” njësohet me pagën e pozicionit “Drejtor drejtorie në ministri”, kategoria II-b, sipas vendimit nr.475, datë 13.7.2007 të Këshillit të Ministrave, të ndryshuar.

b) Paga mujore për pozicionin “Administrator” njësohet me pagën e pozicionit “Përgjegjës sektori, i nivelit të lartë”, klasa III, kategoria III-a, sipas vendimit nr.475, datë 13.7.2007 të Këshillit të Ministrave, të ndryshuar.

c) Paga mujore për pozicionin “Jurist” njësohet me pagën e pozicionit “Përgjegjës sektori i nivelit të ulët”, klasa III, kategoria III-a/1, sipas vendimit nr.475, datë 13.7.2007, të Këshillit të Ministrave, të ndryshuar.

d) Paga mujore për pozicionin “Specialist” njësohet me pagën e pozicionit “Specialist i nivelit të mesëm”, klasa IV, kategoria IV-a, sipas vendimit nr.475, datë 13.7.2007 të Këshillit të Ministrave, të ndryshuar.

2. Efektet financiare, që rrjedhin nga zbatimi i këtij vendimi, fillojnë nga data e emërimit të punonjësve, pas miratimit të strukturës, dhe do të përballohen nga buxheti i vitit 2008, miratuar për Agjencinë e Administrimit të Pasurive të Sekuestruara dhe Konfiskuara.

3. Ngarkohet Ministria e Financave për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha